

634

LE  
CARESME  
DES  
PARISIENS  
POVR LE SERVICE  
DE LA PATRIE.



*sur l'Imprimé à Paris.*

A R O V E N,  
Chez I E A N B E R T H E L I N, dans la Court du Palais

---

M. DC. XLIX.



CARLE

PARRIS

POUR LE

ROYAUME

DE FRANCE

PAR

LE

ROYAUME

DE FRANCE

PAR

LE

ROYAUME

DE FRANCE

PAR

LE

ROYAUME

DE FRANCE


PAR

LE

ROYAUME

DE FRANCE





L E  
C A R E S M E  
D E S  
P A R I S I E N S P O U R L E S E R V I C E  
D E L A P A T R I E.



Vis qu'aujourd'huy tout Paris, doute & chancelle dans les desseins de rompre ou d'observer le Carefme, comme bon citoyen de la Patrie terrestre, qui soupire & qui gemit apres la celeste; ie me treuve obligé de le conseiller. Mon conseil toutesfois ne touche point à l'abstinence des viandes, il ne seroit pas suiuy si i'en parlois : Et comme chacun en attend la permission ou la deffence de ceux qui d'ordinaire disposent de l'un & de l'autre, ie leur en laisse la direction sans m'en mesler. Mais soit qu'elles leur soyent permises, ou qu'elles leur soyent defenduës, soit qu'ils n'observent pas ou qu'ils observent le Carefme; j'en ay vn tout nouveau à leur conseiller.

Ie le nomme nouveau; Par ce qu'il est tout à fait dissemblable à celuy qu'on pratique d'ordinaire, & qu'il est bien plus saint, bien plus spirituel & moins sensuel. Il ne defend point les viandes, ny le poisson, ne fait point de difference entre l'un & l'autre, mais il modere l'usage de tout. Dans le iuste temperament auquel il reduit toutes choses, & ne souffre point d'excez qu'en la deuotion. Il permet qu'elles s'eleue (s'il se pouuoit) outre mesure, que dis-je, il le permet? il le commande mesme, & c'est le seul but où il tend. Mais pour appréhendre mieux (generaux Parisiens) ce qu'il ordonne, escoutez ce qui suit mot à mot.

P R E M I E R E M E N T.

Moderez vostre boire & vostre manger ordinaire, non pas à cause de la necessité (si elle se rencontre) mais pour rendre le corps moins prompt & moins vigoureux à combattre contre



l'esprit: quand cét orgueilleux, s'humilie l'ame s'esleue, & comme sa force & son impetuosité la maistrisent, la foiblesse la laisse regner. Quelques ieusnes de temps en temps vous seront des secours necessaires & des renforts qui la feront sans doute triôphér. Ne vous flattez point, & ne me nommez point seuer; la pluspart de vous peut viure assez de la moitié de son ordinaire; quand vous retrancherez le reste vous en ferez plus sains & plus dispos: l'abondance des alimens au lieu de nous nourrir nous tuë: l'estomac fait mieux sa coction quand il se trouue moins engagé. Donnez le superflu au pauvre qui en manque, quant ce retranchement vous deueroit incommoder: quant vous en seriez affoiblis, il vaut mieux souffrir quelque chose que de ne le pas secourir. Le corps ainsi traitté deuiendra souple, & ne pourra plus qu'obeir à l'esprit.

En cét estat cét esprit détaché des liens de la matiere, s'esleuera plus aisément vers le Ciel: c'est là où il faut qu'il contemple la gloire de son origine; qu'il medite l'excellence de son estre, & que ce degageant de la seruitude des creatures, il se rende sujet à son Createur. En ce temps de deuil & de larmes le grand Dieu est celuy seul qu'il faut implorer. De sa main toute-puissante & toute iuste dependent les maisons particulieres, les Villes, les Prouinces, & les Royaumes. En vain le Pere de famille, le Magistrat, le Gouverneur, & le Monarque se trauail-  
lent, si leurs trauaux ne sont benits par sa faueur. En vain meditions nous le salut de cette Monarchie: En vain le cherchons-  
vous dans le succès des affaires humaines, si nous ne l'attendons du Ciel, qui s'est iusques icy monstre son protecteur. Il faut donc, genereux Parisiens, & vous aussi tous ensemble genereux François, jetter vos yeux & pousser vos souspirs vers le Ciel; la source inépuisable de tous les biens que nous possedons, & mesmes de tous ceux qui nous attendent. Dès que le Soleil jette ses regards sur la terre, enuoyez les vostres vers luy, cōme il enuoye les siens vers vous; & de cét astre brillant passans iusques au Pere des Lumieres, quelque esclattant, quelque redoutable qu'il soit, ne craignez point. Embrassés courageusement le pied de son Thrône de gloire. Embrassés le luy mesme comme fit jadis Iacob; & fondans en larmes, avec vn sensible regret de vos crimes; dites luy les Paroles toutes ardentes d'amour & de zele de cét ancien Patriarche, le ne vous abandoneray point Seigneur, que



que vous ne m'ayés benit. Il aime la violence de ces âmes hardies; & puis qu'il souffre biē qu'elles luy rauissent le Ciel, que ne leur pourra t'il pas permettre, s'il leur accorde ce comble eternal de bon-heur, & cette jouissance immortelle de gloire.

quand vous voyez s'assembler le Parlement, cet illustre Senat, qui prend si genereusement la deffence d'un Roy mineur, contre son ser-uiteur perfide: Priez Dieu qu'il preside à son assenblée, qu'il conduise les mouvemens, & luy inspire toutes ses pensées. Si vous croyez que parmy ce grand Corps il y ait quelque membre malade, ou de foiblesse, ou de quelque malice inueterée: si vous pensez qu'il y en ait vne partie qui trahisse l'autre, demandés au Ciel qu'il guer-risse les malades, ou du moins qu'il decouvre les traistres. Ainsi vous assisterez à ce noble Conseil, & vos vœux vaudront des aduis. Vos voix supliantes qui flechiront la bonté diuine tiendront leur rang dans cette assemblée: & quand il arriuerait que les iustes fussent le moindre nombre, leur aduis prendra le dessus & vous le rendrez le plus grand & le plus fort par vos soursirs.

Ainsi lors que vous verrez sortir de cette Ville la Milice qu'il a le-uée, pour sa deffence, retirez vous dans vos cabinets: la iettez vous en la presence diuine, & implorez la faueur celeste, pour ceux qui vont s'exposer pour vous. Il ne faut pas que la petitesse de leur nombre (s'ils sont peu) vous espouuante; ni que leur multitude (s'ils sont beaucoup) vous assure. Ce n'est point sur la quantité des com-batans que vous devez mettre vostre confiance; ny sur le peu qu'ils peuuent estre que vous devez establir vostre terreur. Combien a-t'on veu les grandes armées deffaites par les petites, & ceux qui s'asseuroient sur la foule de leurs guerriers sucôber. Je sçai bien que selon l'aparence humaine, plusieurs bras sont plus à craindre qu'un seul: que plusieurs coups doibuent faire plusieurs playes: & que l'aspect seulement d'une armee nombreuse doit faire fremir. Mais contre ces apparences qui souuent sont trompeuses & fausses, pen-sez aux exemples des choses passées: souuenez vous combien de fois les Romains avec peu de troupes, ont deffait leurs ennemis en nombre plus puissants. Qu'Alexandre avec ses Macedoniens vain-quit plusieurs fois Darius, malgré ces millions de gendarmes: Et si vous voulez des exemples de l'Histoire, Sainte que Sanson tua mille Philistins d'une seule machoire d'asne: & Qu'Abraham deffist les 5 Rois qui emmenaient Lot son frere avec sa seule famille. Courrir



donc toute la terre de Bataillons d'Infanterie, faire gemir les plus vastes Campagnes, sous la fiere démarche de plusieurs Escadrons de Cavalerie, n'est pas ce qui donne le gain des Batailles, & qui assure l'honneur des triomphes. Les impies diroient que le sort des Armes est douteux, & attribueroient à la fortune les victoires qui s'obtiennent contre l'apparence. Ceux qui sont les prudens au Monde, & qui s'imaginent par l'effort d'un cerueau melancholique, pouuoir regir infailliblement la suite des euenemens, condamneroient les vaincus de manque de conduite, trouueroient que lassiete de leur bataille estoit desauantageuse, que les ordres ont esté mal donnez, que les soldats ont manqué de courage, que les Corps particuliers ont esté mal conduits, qu'il y a eu de la negligence, ou du manque de sçauoir en leur malheur. Mais ceux qui sçauent mieux qu'eux tous d'où dependent les victoires & les déroutes, esleueront leurs esprits au Ciel, & diront, C'est de là d'où nous vient la gloire ou la douleur que nous receuons; c'est Dieu qui enhardit les vainqueurs, & qui intimide les vaincus: toutes autres considerations sont legeres & mal seantes aux esprits qui recognoissent cette premiere & cette Eternelle cause.

Puis donc, Illustres Parisiens, que c'est du Ciel que vous deuez attendre l'heureux succez de vos armes, puis que ce n'est pas dans la force, dans le nombre, ny dans la valeur de vos soldats, que vous esperez, esleuez vos esprits & vos vœux au seiour glorieux de vos esperances; Inuoquez incessamment l'Eternel, c'est luy qui doit combattre pour vous. Mais comme il a de certains moiens pour nous rendre participans de ses graces, & qu'il ne nous fait ny bien ne mal: qu'il ne nous punit ni ne nous fauorise, que par le moyen des instrumens naturels, ou artificiels, & des causes secondes; demandez luy avec ardeur ce que vous desirez en vostre Milice. Priez le qu'il donne le zele à l'esprit, le courage aux cœurs, & la force aux bras qu'il le employe pour vostre seruice. Coniurez le de marcher à la teste de vos gens de guerre; pourroient ils bien estre vaincus sous la conduite d'un si redoutable General?

Si la necessité des affaires demande que vous marchiez vous mesme à la campagne; s'il faut que vos troupes dont le nōbre tout seul est formidable sorte de vostre ville; & que vous soyés contrainsts d'aller punir vos ennemis par vos propres bras; Que la vaine confiance de vostre multitude ne soit point fatale à la iustice de vostre cause.



N'oubliez point le Dieu des armées pour vo<sup>r</sup> trop souuenir de vous. Pensez ce qu'estoit Goliath, contre la petitesse de Dauid qui le mit par terre. L'orgueil de ce superbe géant, qui n'auoit d'esperoir qu'en ses propres forces, succomba deuant l'innocēce d'un simple berger. Il en pourroit arriuer de mesme de vous, fussiez vous encore plus grand nombre. Les grandes armées sont comme vn corps comblé d'humeurs, auquel le moindre dereglement cause vne inondation generale, qui le noye & qui le suffoque. Il ne faut qu'un soldat timide pour effrayer son camarade, & que celui cy pour épouuanter encores celui là : & comme la crainte est vne maladie tres contagieuse, entre plusieurs personnes elle se communique encores dauantage; & de l'un à l'autre on la void en vn moment couler par tous les rangs, avec d'autant plus de promptitude & de violence, que nul ne pouuant dans vn tel desordre scauoir ce qui c'est qui la cause, tous s'imaginent que chacun ne tremble point sans suiet, & que partant ils peuuent bien craindre avec raison.

Quand mesme la frayeur ne seroit pas plus dangereuse dans les grandes armées que dans les petites, le desordre s'y introduit plus facilement; il ne faut que deux mal adroicts pour confondre toute l'adresse de plusieurs personnes : il ne faut que deux rangs rompus pour voir briser tout le corps en suite, & quand vne grande machine est demontée, qui peut apres la remonter facilement ? qui pourroit rallier des fuyars qui n'entendent plus la voix de leurs Capitaines; & ces grandes troupes confuses depouuante, qui entraînent les Generaux avec les poltrons.

Ne prenez donc point de vaines confiances sur vostre nombre, Illustres Parisiens, puis qu'en luy mesme il est souuent autāt à craindre que souhaitable : c'est Dieu qui rend l'homme heureux au combat; c'est luy qui donne le cœur & qui l'oste, qui enhardit & qui intimide les combatans. S'il peut oster le courage aux armées les plus nombreuses, à quoy vous seruira ce nombre estonnant. C'est donc en luy qu'il faut planter vostre esperance si vous en voulez voir des fructs en leur saison. Demandez luy donc le gain de la bataille au plus fort de la meslée, & quand vous frapperez de vos bras priez ardemment de vos cœurs.

Il n'y a point d'armes plus fortes ny plus assurées que les prieres, ce sont des espées qui tranchent le fer & l'acier, & qui ne rompent point. Ce sont des foudres qui tuent les Sencheribs, ce sont des



puissances qui deffendent au Soleil de passer outre, & qui le forcent de s'arrester pour esclairer aux Iosué. Il n'y a point de resistance qui ne soit vaine contre la force bien-heureuse de leur redoutable secours. Elles amenant du Ciel des Milices foudroyantes, & Dieu en leur faueur enuoye quelquesfois des Anges pour nous seconder.

Je n'entreprendray point icy de vous dire toutes les vertus de la priere, ny de vous représenter par vne infinité d'exemples les diuers miracles qu'elle produit. Il suffit que vous puissiez comprendre que par son moyen on obtient de la bonté Diuine ce que par foy l'on luy demande, encores que par Iustice on ne le merite pas. C'est ainsi que les trois enfans furent comme dedans vn lieu de delice, au milieu d'une fournaise sept fois rallumée; que Daniel adoucit le naturel farouche des Lions auxquels l'auoient exposé les ennemis de son Dieu, & que Moysé triomphe d'Amaleck que Iosué tout vaillant & tout genereux qu'il estoit ne pouuoit combattre sans desauantage.

Imitez ces Sainctes ames, genereux Parisiens, si vous ne voulez estre endommagé par ces feux qui embrasent, par ces Lions qui deschirent, & par ces ennemis, les cruels Amaleckites qui combattent vostre Patrie. Euites-les: priez sans relache: importunez (si ce peut ainsi dire) la Diuinité de vos sanglots, forcez sa bonté de vous faire grace; elle ayme d'estre ainsi forcée; elle se plaist à ces importunités. Prenez garde toutesfois que vos prieres ne soient pas veritablement importunes, & n'enuoyez point d'offrandes impures en la presence de vostre Dieu, croyez vous qu'il peut cherir les vœux d'un million d'ames débauchées, moins capables de mouoir sa pitié que d'embraser sa colere. Nettoyez vos cœurs si vous luy en voulez presenter les soupirs. degagez les d'une infinité de passions criminelles qui vous rendroient trop desagréables à sa iustice, pour plaire à sa misericorde. Vous blamez les crimes de vos ennemis; vous leur faites la guerre; combattez & triomphez premierement des vostres. Avec quel front & quelle esperance en demanderez vous à Dieu la victoire, si vous estes aussi méchans qu'eux. Je ne vous flatte pas, vous estes tous, & nous sommes tous ensemble infiniment coupables enuers la Maiesté diuine. Nos malheurs sont des fleaux dont il nous chastie. Nos ennemis sont les instrumens de sa vengeance; & si nous voulons qu'il iette ses verges au feu & qu'il nous pardonne, *Amendons nous.*